

MAJLIS BANDARAYA SHAH ALAM
(BAHAGIAN KORPORAT DAN PERHUBUNGAN AWAM)

AKHBAR : SINAR HARIAN
 TARIKH / HARI : 09 FEBRUARI 2017 (KHAMIS)

PAV MBSA anjur aktiviti tukar buku

SHAH ALAM - Satu aktiviti pertukaran buku akan dijalankan Perpustakaan Anggerik Vanilla (PAV) yang diuruskan Majlis Bandaraya Shah Alam (MBSA) pada 12 dan 26 Februari ini.

Aktiviti yang akan berlangsung di Dewan Rukun Tetangga, Seksyen U13, Setia Alam, mulai jam 11 pagi hingga 2 petang itu, bertujuan mempromosikan budaya membaca dalam kalangan kanak-kanak serta orang dewasa.

Ketua Bahagian Korporat

dan Perhubungan Awam MBSA, Shahrin Ahmad berkata, selain itu, objektif program juga adalah bagi menyokong amalan kitar semula buku-buku terpakai.

"Konsepnya adalah 'Letak 1 Ambil 1, Baca Bersama', di mana pengunjung boleh sumbangkan buku baru atau terpakai dan boleh ambil buku sedia ada. Buku itu akan dikongsi oleh orang ramai," katanya.

Menurutnya, aktiviti itu akan di-kelolakan kakitangan perpustakaan PAV MBSA dan sukarelawan.